

214 **Hebdomada vigesima sexta per annum**

Anno C

Lectio prima

Qui lascivitis et canitis, nunc migrabitis.

Lectio libri Amos prophetae **6, 1 a. 4-7**

Hæc dicit Dóminus omnipotens:

« Væ, qui opulenti estis in Sion et confiditis in monte Samariæ;

qui dormitis in lectis ebúrneis et lascivitis in stratis vestris, qui coméditis agnum de grege et vítulos de médio arménti, qui cánitis ad vocem psaltérii: sicut David putavérunt se habére vasa cántici, bibéntes vinum in phialis et óptimo unguénto delibúti, et nihil patiebántur super contritióne Ioseph.

Quaprópter nunc migrábunt in cápite transmigrántium, et auferétur fáctio lasciviéntium ».

Verbum Dómini.

Psalmus responsorius

Ps 145, 7. 8-9 a. 9 bc-10 (R.: 2 a)

R. Lauda, ánima mea, Dóminum.

vel Allelúia.

7 Qui custódit veritátem in sáeculum,
facit iudícium opprésis,
dat escam esuriéntibus.
Dóminus solvit compeditos. **R.**

8 Dóminus illúminat cæcos,
Dóminus érigit depréssos,
Dóminus díligit iustos,

9 Dóminus custódit ádvenas. **R.**